



駁案新編序

律一成而不易例因時以  
制宜讞獄之道盡於斯三  
者而已至情偽百變非三  
尺所能該則上比下比以  
協於中此歷年舊案亦用

刑之圭臬也。願援引成案  
例禁綦嚴者。誠恐移情附  
案。矜深覈以爲聰明務姑  
息。以惠奸慝。致有覆盆漏  
網。開竒請他比之端。故大  
爲之坊耳。予遂隊西曹十

年於茲仰見我

皇上如天好生化成久道部省

大小庶獄悉陳

睿覽無微不周其中閱實矜疑

一經

指示洞燭精微靡不權衡銖銖

仁洽義昭合乎天經地義  
愜乎人心之公好公惡而  
秋曹大小臣工恭承

宸訓敬慎將事比事屬詞平反  
屢奏每駁一案定一例各  
出所見講明而切究之開

惑剖蔽要皆闡發律意例  
義之精微本經術而酌人  
情期孚乎中正平允而止  
昔漢時魏弱翁為相謂古  
今異制獨觀漢家故事取  
諸臣便宜章奏悉施行之

因以大治則章奏之稱便  
宜者意即今所云案者是  
也顏師古述漢時決事集  
為令甲三百餘篇意即今  
刑曹成案者是也他若陳  
忠之決事比應劭之春秋

決事比歷代皆有其書然  
則不愆不忘率由舊章前  
事者後事之師詎不信歟  
全君秋濤偕同曹諸君子  
取近年駁案彙輯成編予  
讀之數過見其博採廣收

芟繁提要按門排纂具有  
手眼極案情之變而惟齊  
非齊挾律例之精而有倫  
有要斯其用意亦良深矣  
司牧者得是編而讀之即  
一案而通乎情法之準究

心律令之源庶與以禮制  
刑以教祇德之微意肫然  
有合而非第為引證比附  
之取資也

乾隆辛丑三月中浣山西  
道監察御史刑部律例館

序  
提調淮南阮葵生拜題於  
西曹之叙雪堂

駁案新編

凡例

一凡欽奉

上諭指駁改擬及內外臣工援案奏准永爲定例者  
均依次編輯每案先敘該督撫原題于前然  
後恭錄

諭旨次敘及內外衙門原奏俾閱者知某案因何駁  
正并某條律例因何改定之處一目了然源  
委悉得

一是編入選或闡發律義或推勘案情辨晰精微胥歸情法兩平凡于刑名家有可依據者悉歸採取非徒侈卷帙之多

一是編自乾隆元年至四十九年凡遵駁改正者十之八九其中照駁覆審有始畧終詳因疑得信惟期詳慎得當雖仍照原議擬結者亦所必錄

一辛卯年本部各司衙署失火案牘不全是書博採同人手錄並詳查堂行通行各簿逐一

校對仍按欽奉

諭旨年月以次編輯

一律無正條援例加減比照定擬務歸允當尤足資講求律令之學編內凡比擬允協可爲程式者悉入編次以備參考

一斷罪依新頒律令故近年之案較多於遠年之案其間有引用各條稍與現行定例不符俱詳加考核將增刪修改之原委於卷端註明

一原題案情乃罪名輕重所關刪之則眉目不清顛末不著故未敢稍從簡畧至文法重複字句贅冗者酌加刪減以歸簡當

一命案首重屍傷檢驗各法悉載洗冤錄而案涉疑難又在隨時體察逐案詳審是編辨別屍傷有補檢驗所未備者

一孤子留養服制加簽傷風擬流限外減等各案俱有一定章程載在例冊編中更取其詳核改正者以資互證

一是編三十二卷分爲四函共計二十四冊每  
案摘敘事由按律分類凡有新案便於隨時  
依類纂添俾考核者易於檢閱

